

KJKP "VODOVOD I KANALIZACIJA" d.o.o. SARAJEVO
DIREKTOR
Izvod broj: 09/18

Sarajevo, 30.05.2018 godine

Na osnovu Rješenja URŽ-a broj: JN2-03-07-1-554-10/18 od 24.05.2018.godine člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 09/18 od 29.05.2018. godine, u postupku javne nabavke br. 09/18 „**Dezinfekcija, dezinfekcija i deratizacija**“ donosi se :

ODLUKA

o poništenju postupka javne nabavke

Član 1.

Poništava se Odluka o izboru najpovoljnijeg ponuđača br. 09/18 od 05.04.2018.godine.

Član 2.

Poništava se postupak javne nabavke broj 09/18 za nabavku usluga: „**Dezinfekcija, dezinfekcija i deratizacija**“ iz razloga što nijedna od primljenih ponuda nije prihvatljiva a sve u skladu sa odredbama člana 69. stav 2. tačka d) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj : 09/18 od 15.02.2018. godine.

Obavještenje o nabavci broj : 247-1-2-26-3-103/18 poslato je na objavljivanje na Portal javnih nabavki dana 21.02.2018. godine, a sažetak obavještenja o nabavci objavljen je u Sl. glasniku BiH broj : 13. od 23.02.2018. godine i Ispravka za Obavještenje o nabavci broj 247-1-2-26-8-106/18 poslata je na objavljivanje na Portal javnih nabavki dana 26.02.2018.godine, a sažetak

Ispravke za obavještenja o nabavci je objavljen u Sl. glasniku BiH broj 14. od 02.03.2018.godine.

Komisija za javnu nabavku imenovana je Rješenjem br. 18-12-01/17 od 18.12.2017 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine, i dopunskim Rješenjem članova komisije br. 09/18-1 od 15.02.2018. godine.

Komisija za javnu nabavku dostavila je dana 29.05.2018.g. Preporuku o poništenju postupka broj 09/18 u postupku javne nabavke usluga : „Dezinfekcija, dezinsekcija i deratizacija“ - tender broj 09/18.

Komisija za javnu nabavku je sačinila odgovarajuće zapisnike u kojima je utvrđeno sljedeće:

U predmetnom postupku javne nabavke, komisija za javne nabavke je dana 30.03.2018. godine donijela Zapisnik o pregledu i ocjeni ponuda kao i Preporuku o izboru najpovoljnijeg ponuđača.

Na osnovu preporuke komisije za javne nabavke, ugovorni organ je dana 05.04.2018. godine donio Odluku o izboru najpovoljnijeg ponuđača broj 09/18, kojom je kao najpovoljniji ponuđač odabran : „Sanacija 3D“ d.o.o. Sarajevo i odluka je istog dana dostavljena svim učesnicima u postupku predmetne javne nabavke.

Dana 18.04.2018. godine od strane ponuđača „EKO MEDIC“ d.o.o. Sarajevo, po advokatu Ostoji Kremenoviću, je putem protokola Ugovornog organa uložena žalba na pomenutu odluku o izboru najpovoljnijeg ponuđača.

Ugovorni organ, smatrajući da su svi istaknuti žalbeni navodi neosnovani, dostavlja žalbu zajedno sa izjašnjenjem na žalbu i kompletnom dokumentacijom Uredu za razmatranje žalbi na odlučivanje po žalbi.

Dana 28.05.2018. godine zaprimljeno je rješenje Ureda za razmatranje žalbi BiH broj JH2-03-07-1-554-10/18 od 24.05.2018. godine, kojim se usvaja žalba žalitelja „EKO MEDIC“ d.o.o. Sarajevo, poništava se Odluka o izboru najpovoljnijeg ponuđača broj 09/18 od 05.04.2018. godine i predmet se vraća ugovornom organu na ponovni postupak.

Postupajući u skladu sa navedenim rješenjem Ureda za razmatranje žalbi BiH, Komisija za javne nabavke je pristupila ponovnom pregledu i ocjeni pristiglih ponuda, te konstatovala sljedeće :

Za predmetnu javnu nabavku dostavljeno je četiri (4) ponude ponuđača:

1. Ponuđač: „IDS“ d.o.o. Sarajevo,
2. Ponuđač: „Sanacija 3D“ d.o.o. Sarajevo,
3. Ponuđač: „Kristal“ d.o.o. Sarajevo i
4. Ponuđač: „Eko Medic“ d.o.o. Sarajevo.

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učesća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku.

Nakon izvršenog otvaranja ponuda Komisija je dana: 20.03.2018.godine, pristupila pregledu i ocjeni pristiglih ponuda u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljene ponude ponuđača „IDS“ d.o.o. Sarajevo, „Sanacija 3D“ d.o.o. Sarajevo, „Kristal“ d.o.o. Sarajevo i „Eko Medic“ d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponuda.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

RB	Zahtjevana kvalifikaciona dokumentacija	„IDS“ d.o.o Sarajevo	„Sanacija 3D“ d.o.o. Sarajevo	„Kristal“ d.o.o. Sarajevo	„Eko Medic“ d.o.o. Sarajevo
1.	Tačka: 13 TD: Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA	DA	DA
2.	Tačka: 14.1 TD: Izjava o ispunjenosti uslova iz člana 47. st. (1) tačka a) i (4) Zakona o javnim nabavkama –Aneks V; Prilog 4.	DA	DA	DA	DA
2.1	Tačka: 14.1 TD: Kopija potvrde banke o aktivnosti transakcijskog računa koja nije starija od tri mjeseca računajući od trenutka dostavljanja ponude	DA	DA	DA	DA
3.	Tačka 14.3 TD: Original ili ovjerena fotokopija važećeg Aktuelnog izvoda iz sudskog registra ovjerena od strane nadležnog organa – (Sud, Opština ili notar) ili Original ili ovjerenu fotokopiju važećeg Rješenja o registraciji ovjerena od strane nadležnog organa – (Sud, Opština ili notar) ili ekvivalent odgovarajućeg dokumenta (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA	DA	DA

Komisija konstatuje da ponude ponuđača „IDS“ d.o.o. Sarajevo, „Sanacija 3D“ d.o.o. Sarajevo, „Kristal“ d.o.o. Sarajevo i „Eko Medic“ d.o.o. Sarajevo ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

RB	Ostala zahtjevana kvalifikaciona dokumentacija/aneksi-prilozi	„IDS“ d.o.o Sarajevo	„Sanacija 3D“ d.o.o. Sarajevo	„Kristal“ d.o.o. Sarajevo	„Eko Medic“ d.o.o. Sarajevo
1.	<p>Tačka: 15 TD Ostala zahtjevana dokumentacija :</p> <p>a) Original ili ovjerena fotokopija-organ uprave ili notar (važećeg dokumenta) izdatog od strane Ministarstva zdravstva FBiH, da se aktivni sastojci u sredstvima koja će se koristiti u okviru obavljanja usluga DDD, nalaze na listi otrova koji se mogu stavljati u promet u F BiH u skladu sa Rješenjem o utvrđivanju liste otrova koji se mogu stavljati u promet u Federaciji BiH (Sl. novine F BiH 50/08);</p>	DA	DA	DA	DA
	<p>b) Ponuđač u ponudi za sva sredstva koja će se koristiti za dezinfekciju, dezinsekciju i deratizaciju treba navesti:</p> <p>- naziv sredstva, koncentraciju aktivne komponente, generičko ime, glavne karakteristike sredstva u odnosu na djelovanje.</p>	Nisu ponuđena odgovarajuća sredstva za deratizaciju kanalizacione mreže, pogona Vodovod i objekta Butila	DA	Nisu ponuđena odgovarajuća sredstva za deratizaciju kanalizacione mreže, pogona Vodovod i objekta Butila	Nisu ponuđena odgovarajuća sredstva za deratizaciju pogona Vodovod i objekta Butila
	<p>- zemlju proizvođača, puni naziv firme proizvođača,</p>	Nije dostavljeno za plastične kutije za mamke za deratizaciju	DA	DA	DA
	<p>- uputstva za primjenu sredstava za dezinfekciju, dezinsekciju i deratizaciju u kojima će biti navedene količine ili koncentracije sredstva preporučene za upotrebu, a u svrhu dokaza da su ponuđene količine dovoljne da obezbjeđe izvršenje usluge DDD za sve objekte navedene u tenderskoj dokumentaciji. Uputstva mogu biti izdata od strane proizvođača sredstva, kopirana sa ambalaže, ili preuzeta sa internet stranice proizvođača sredstva (sa navedenom adresom internet stranice kako bi se mogla provjeriti vjerodostojnost dokumenta).</p>	Nije dostavljeno uputstvo za primjenu za Chloromax	Nisu dostavljena uputstva za primjenu Victor gel, Brodifacoum parafinski blok i digrain ljepilo u skladu sa tenderskim zahtjevom	Nije dostavljeno za ljepilo Brodilon a za ostala sredstva nije dostavljeno u definisanom obliku već u dokumentu izdatom od strane ponuđača.	Nisu ponuđene dovoljne količine sredstava za dezinsekciju Pogona Vodovod, ni za deratizaciju objekta Butila.
	<p>- sigurnosno tehničke liste za sva sredstva za DDD</p>	DA	DA	Nije dostavljeno za ljepilo Brodilon	DA

RB	Ostala zahtjevana kvalifikaciona dokumentacija/aneksi-prilozi	„IDS“ d.o.o Sarajevo	„Sanacija 3D“ d.o.o. Sarajevo	„Kristal“ d.o.o. Sarajevo	„Eko Medic“ d.o.o. Sarajevo
	<p>c) Opis preventivnih mjera koje planira poduzeti prilikom izvođenja dezinfekcije, dezinsekcije, deratizacije, na objektima vodovoda, a u cilju sprječavanja kontaminacije vode na izvorištu, u rezervoarima i bunarima, do koje može doći usljed nestručne primjene sredstava za dezinfekciju, dezinsekciju i deratizaciju.</p> <p>Napomena: Dozvoljena je samo upotreba sredstava koja se prema specifikaciji mogu koristiti u pogonima prehrambene industrije, tj. sredstva koja se mogu koristiti u objektima u kojima se vrši promet prehrambenih proizvoda a u skladu sa Rješenjem o utvrđivanju liste otrova koji se mogu stavljati u promet u Federaciji BiH (Sl. novine F BiH 50/08);</p>	DA	DA	DA	DA
2.	Tačka: 16 TD: Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA	DA	DA
3.	Tačka: 17 TD: Obrazac za ponudu – Aneks II; Prilog 1.	DA	DA	DA	DA
4.	Tačka: 17 TD: Popis dokumenata uz ponudu koji čini sadržaj ponude – Aneks II, Prilog 1.	DA	DA	DA	DA
5.	Tačka: 21 TD: Obrazac za cijenu ponude – Aneks III; Prilog 2.	U specifikaciji, koja je sastavni dio Obrasca za cijenu ponude, nije popunjena kolona “Zemlja proizvođača / puni naziv firme proizvođača” za stavku Plastične kutije za mamke za deratizaciju	DA	DA	DA
6.	Tačka: 32 i 37 TD: Nacrt okvirnog sporazuma - Prilog	DA	DA	DA	DA

RB	Ostala zahtjevana kvalifikaciona dokumentacija/aneksi-prilozi	„IDS“ d.o.o Sarajevo	„Sanacija 3D“ d.o.o. Sarajevo	„Kristal“ d.o.o. Sarajevo	„Eko Medic“ d.o.o. Sarajevo
7.	Tačka: 32 i 38 TD: Nacrt ugovora o javnoj nabavci - Prilog 8.	DA	DA	DA	DA
8.	Tačka: 44 TD: Povjerljive informacije – Prilog 6.	DA	DA	DA	DA

Pregledom ponuda, od strane stručnih lica za predmetnu nabavku je konstatovano sljedeće :

1. Ponuđač: „IDS“ d.o.o. Sarajevo

Za deratizaciju kanalizacione mreže ponuđen Brodilon blok koji prema dostavljenoj dokumentaciji u ponudi sadrži 0,005% bromadiolona i prema tome spada u III grupu otrova. Tenderskom dokumentacijom je traženo: „Za obavljanje deratizacije će se koristiti isključivo rodetnicidi druge generacije antikoagulanata čiji sastav mora odgovarati skupini otrova II grupe iz Rješenja o otvrđivanju liste otrova koji se mogu stavljati u promet u F BiH“.

Za dezinfekciju objekata pogona Vodovod i objekata Butila ponuđen Chloromax, a nije dostavljeno uputstvo za upotrebu za Chloromax već za Aseptol 5 koji uopšte nije ponuđen. U tabeli specifikacije ponude za deratizaciju objekata vodovod uz brodilon ljepilo nije ponuđen i otrov-rodentocidni mamak iako je tenderskom dokumentacijom traženo: „U objektima pogona vodovod koristi će se isključivo adhezivni mamci za deratizaciju i postavljati u hranilice za glodare, a njihovo postavljanje se mora evidentirati na tlocrtima. U adhezivni mamac mora biti uključena ljepljiva podloga i rodenticidni mamak.“ „Ukoliko se nudi više vrsta sredstava, u tabeli mora biti jasno navedeno na koje se sredstvo ponuđene količine odnose.“ Ponuđač je dostavio izjavu u kojoj je navedeno da u adhezivni mamac mora biti uključena ljepljiva podloga i rodenticidni mamak, ali u specifikaciji ponude nije naveo ni ponuđenu količinu ni vrstu rodenticidnog mamka.

Za deratizaciju objekata pogona Butila ponuđeno Brodilon ljepilo što nije u skladu sa zahtjevom iz tenderske dokumentacije: „Za obavljanje deratizacije će se koristiti isključivo rodetnicidi druge generacije antikoagulanata čiji sastav mora odgovarati skupini otrova II grupe iz Rješenja o otvrđivanju liste otrova koji se mogu stavljati u promet u F BiH.“

Nije popunjena rubrika „Zemlja proizvođača/puni naziv firme proizvođača“ u tabeli specifikacije za stavku Plastične kutije za mamke za deratizaciju.

2. Ponuđač: „Kristal“ d.o.o.Sarajevo

Za deratizaciju objekata pogona vodovod i za deratizaciju objekata Butila je ponuđen Ratimor meki mamac, a za deratizaciju kanalizacione mreže Maximon blok. Oba ponuđena preparata prema dokumentaciji dostavljenoj u ponudi sadrže bromadiolon u koncentraciji 0,005%. Bromadiolon u koncentraciji 0,005% spada u treću grupu otrova u skladu sa Rješenjem o utvrđivanju liste otrova koji se mogu stavljati u promet u F BiH, a tenderskom dokumentacijom je zahtjevano da se koriste otrovi iz druge grupe: „Za obavljanje deratizacije će se koristiti isključivo rodetnicidi druge generacije antikoagulanata čiji sastav mora odgovarati skupini otrova II grupe iz Rješenja o utvrđivanju liste otrova koji se mogu stavljati u promet u F BiH.“

Za deratizaciju objekata pogona vodovod ponuđeno je brodilom ljepilo u količini 20 kom, a u ponudi nije navedena težina ili zapremina jednog komada kao što je to traženo tenderskom dokumentacijom. Tenderskom dokumentacijom je traženo sljedeće: *U koloni 6 trebaju biti navedene planirane količine sredstava (sa mjernim jedinicama) za jedan ciklus aktivnosti. Mjerna jedinica kojom se izražava količina sredstva mora biti fizička mjerna jedinica (Kg, g, L ili mL), a ukoliko se kao jedinica mjere koristi oznaka „komad“ ponuđač mora u ponudi navesti težinu ili zapreminu jednog komada ponuđenog sredstva.*

Za deratizaciju objekata pogona vodovod ponuđeno brodilom ljepilo, ali nije dostavljena sigurnosno-tehnička lista niti uputstvo za upotrebu iako je to zahtjevano tenderskom dokumentacijom.

Tenderskom dokumentacijom je traženo da ponuđač u ponudi za sva sredstva koja će se koristiti za dezinfekciju, dezinfekciju i deratizaciju treba dostaviti i uputstva za primjenu sredstava za dezinfekciju, dezinfekciju i deratizaciju u kojima će biti navedene količine ili koncentracije sredstva preporučene za upotrebu, a u svrhu dokaza da su ponuđene količine dovoljne da obezbjede izvršenje usluge DDD za sve objekte navedene u tenderskoj dokumentaciji.

Uputstva mogu biti izdata od strane proizvođača sredstva, kopirana sa ambalaže ili preuzeta sa internet stranice proizvođača sredstva (sa navedenom adresom internet stranice kako bi se mogla provjeriti vjerodostojnost dokumenta).

Ponuđač Kristal nije dostavio navedena uputstva u definisanom obliku već je dostavio dokument na svom memorandumu sa tabelom u kojoj su navedene preporučene količine sredstava za primjenu za sva sredstva osim za brodilom ljepilo, a za ljepilo brodilom nije dostavljeno uputstvo za primjenu ni u kakvom obliku.

3. Ponuđač: „Eko Medic“ d.o.o. Sarajevo

Tenderskom dokumentacijom je traženo: *„Ponuđač u ponudi za sva sredstva koja će se koristiti za dezinfekciju, dezinfekciju i deratizaciju treba dostaviti uputstva za primjenu sredstava za dezinfekciju, dezinfekciju i deratizaciju u kojima će biti navedene količine ili koncentracije sredstva preporučene za upotrebu, a u svrhu dokaza da su ponuđene količine dovoljne da obezbjede izvršenje usluge DDD za sve objekte navedene u tenderskoj dokumentaciji“.* Prema uputstvu za primjenu sredstva za dezinfekciju objekata pogona vodovod koje je ponuđač dostavio (Foval gel), primjenjuje se minimalno 0,04 g po 1 m². Za dezinfekciju objekata pogona vodovod, (ukupna površina prema podacima navedenim u tenderskoj dokumentaciji iznosi 4759 m²), uz doziranje u skladu sa uputstvom proizvođača (minimalno 0,04 g po 1 m²), trebalo bi minimalno 190 g Foval gela za dezinfekciju objekata pogona vodovod. Ponuđač EKO MEDIK je ponudio 7x10 g=70 grama i prema tome ponuđena količina nije dovoljna za izvršenje usluge.

Tenderskom dokumentacijom je definisano da se deratizacija objekata Butila vrši unutar objekata i oko objekata: *„Deratizacija unutar objekata postrojenja za prečišćavanje otpadnih voda Butila se vrši postavljanjem 1 meke (20-50 g) na 10 m² tlocrtne površine u za to namjenjene kutije. Deratizacija prostora oko objekata postrojenja za prečišćavanje otpadnih voda Butila, pored zahtjeva navedenih pod 3.9, se vrši tako da se oko svakog objekta postavljaju meke (20-50 g) u prstenu širine 5-10 m od objekta i to na svakih 5-10 m udaljenosti jedne od druge. Potrebno je planirati i dodatni 30 % količina meka u odnosu na stvarno potrebne količine, a u svrhu strategijske rezerve za deratizaciju aktivnih rupa i puteva*

kretanja glodara.“ Ponudač EKO MEDIK je za deratizaciju objekata Butila ponudio 10 kom. Brodilon ljepilo u količini po 135 g, tj 1350 g ukupno. Osim toga što ljepilo Brodilon po svom sastavu ne ispunjava zahtjeve tenderske dokumentacije (jer ne spada u drugu grupu otrova), ponuđena količina nije u skladu sa tenderskom dokumentacijom jer je traženo da se postavi minimalno 20 g na 10 m² tlocrtno površine. Po tenderskoj dokumentaciji ukupna površina unutar objekata Butila iznosi 4395 m² što znači da je po jednom ciklusu potrebno upotrijebiti minimalno 440x20=8800 grama.

Prema tome ponuđena količina od 1350 g nije dovoljna ni za deratizaciju unutrašnjosti objekata Butila, a pogotovo nije dovoljna za deratizaciju unutrašnjosti objekata Butila i prostora oko objekata Butila i još 30% dodatnih količina meka u svrhu strategijske rezerve kao što je to zahtijevano tenderskom dokumentacijom.

U tabeli specifikacije ponude za deratizaciju objekata vodovod uz brodilon ljepilo nije ponuđen i otrov - rodenticidni mamak iako je to tenderskom dokumentacijom traženo: „*U objektima pogona vodovod koristi će se isključivo adhezivni mamci za deratizaciju i postavljati u hranilice za glodare, a njihovo postavljanje se mora evidentirati na tlocrtima. U adhezivni mamac mora biti uključena ljepljiva podloga i rodenticidni mamak.*“ „*Ukoliko se nudi više vrsta sredstava, u tabeli mora biti jasno navedeno na koje se sredstvo ponuđene količine odnose.*“

4. Ponudač: „Sanacija 3D“ d.o.o. Sarajevo

Ponudač „Sanacija 3D“ d.o.o. Sarajevo je za ponuđena sredstava Victor gel, Brodifacoum parafrinski blok i Digrain ljepilo dostavio uputstva za primjenu koja nisu izdata od strane proizvođača sredstava, niti su kopirana sa ambalaže niti su preuzeta sa internet stranice proizvođača a što je zahtijevano tenderskom dokumentacijom : „*Uputstva za primjenu sredstava za dezinfekciju, dezinfekciju i deratizaciju u kojima će biti navedene količine ili koncentracije sredstva preporučene za upotrebu, a u svrhu dokaza da su ponuđene količine dovoljne da obezbijede izvršenje usluge DDD za sve objekte navedene u tenderskoj dokumentaciji. Uputstva mogu biti izdata od strane proizvođača sredstva, kopirana sa ambalaže, ili preuzeta sa internet stranice proizvođača sredstva (sa navedenom adresom internet stranice kako bi se mogla provjeriti vjerodostojnost dokumenta*“.

Obzirom na navedeno, konstatovano je da ponude ponuđača „IDS“ d.o.o. Sarajevo, „Kristal“ d.o.o. Sarajevo, „Eko Medic“ d.o.o. Sarajevo i „Sanacija 3D“ d.o.o. Sarajevo ne ispunjavaju zahtjeve tražene tenderskom dokumentacijom, zbog čega se ponude ovh ponuđača odbacuje kao neprihvatljive a sve u skladu sa članom 68. stav (4) tačka i) Zakona o javnim nabavkama.

U postupku predmetne nabavke utvrđeno je da nijedna od primljenih ponuda nije prihvatljiva, čime su se stekli zakonski uslovi za poništavanje postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:
-Ponudaču
-a/a

*5
Medo
Muzur*



v.d. Direktor

Azra Muzur

Azra Muzur, dipl.inž.grad.